

UDALBATZAK 2013KO EKAINAREN 11N EGINIKO EZOHIKO OSOKO BILKURARI DAGOKION AKTA

Errenteriako Udaletxean, bi mila hamahiruko ekainaren 11ko arratsaldeko 16:05 zirela, lehenengo deialdian eta Julen MENDOZA PEREZ alkate jaunaren esanetara, ondorengo zinegotziak elkartu dira:

Garazi LOPEZ DE ECHEZARRETA AUZMENDI
Luis Maria DIEZ GABILONDO
Miren Alazne KORTA ZULAIKA
Unai UNSUAIN ELVIRA
Irene BALENCIAGA ARRESE
Jon TXASKO ORGILLES
Asier MUJIKI ETXANIZ
Maria RODRIGUEZ RODRIGUEZ
Joaquin ACOSTA PACHECO
Joseba ECHARTE MARTIN
M^a Angeles MACHIN RODRIGUEZ (Jakinarazten da bilkurara 16:10ean etorri zela)
Jose Angel RODRIGUEZ MEDINA
M^a del Mar CARRILLO GASCON
Isaac PALENCIA CABALLERO
Maite PEÑA LOPEZ
Jose Ignacio IRASTORZA GARCIA
Marta BAREA JUARISTI
Jose Manuel HERZOG DE BUSTOS
M^a Angeles BASTOS FERNANDEZ
Jose Manuel FERRADAS FREIJO

Bertan dago, ekitaldiaz fede emateko, Begoña BUENO BARRANCO idazkari nagusia.

Era berean, bertan dago Txema ARENZANA GARCIA udal kontu-hartzailea.

PUNTU BAKARRA: Errenteriako kale-garbiteta eta hiri-hondakin solidoak jaso eta garraiatzeko zerbitzua kontratatzea.

Datorren ekainaren 30ean amaitzen da "FOMENTO DE CONSTRUCCIONES Y CONTRATAS, S.A." enpresarekin "Errenteriako kaleak garbitu eta hiri hondakin solidoak bildu eta garraiatzeko zerbitzua" emateko sinaturiko kontratua.

Beharrezkoa da arestian aipaturiko zerbitzuaren beste kontratazio bati ekitea.

Horretarako lizitazioa arautuko duten baldintza-agiri ekonomiko-administratiboak eta teknikoak idatzi dira.

Udalaren behin-behineko Kontu-hartzaileak txostena eman du.

Kontratazioa eta Ondarea saileko Arduradunaren txostena kontuan hartu da.

Lehendakaritza eta Barne-antolaketako Batzordeak proposamena ikusi ondoren.

Mintzatu dira:

* Peña andreak (EAJ-PNV) esan du EAJ bere alderdiak oso era posibiboan baloratzen dituela Alderdi politikoek zein Langileria batzordeak eginiko ekarpenak. Bere iritziz, denbora horrek balio izan du, hein apal batean bederen, baldintzak argitzeko eta hobetzeko. Gauzak zehaztearren, hiru puntu aitatu nahi ditu berdintasuna bultzatzeko eta hizkuntza irizpideekin zerikusia duten puntuak jasotzeko, beroriek gauzatzeko neurriak ipini direlako. Era berean nabarmendu nahi du Lurraldeko lan-hitzarmenaren aipamena sartu izanak etorkizunean ekidin ditzakeela han izan dituzten, ezagutzen dituzten eta jasan izan dituzten bezalako arazo handiak. Zentzu horretan, beraz, oso positiboki baloratzen dute eta proposamenaren aldeko botoa emango dute.

* Rodriguez jaunak (Euskal Sozialistak - Socialistas Vascos) esan du berak arazo bat duela, hain zuzen pasa behar zizkioten azken baldintza-agiriak ez dizkiotelako pasa. Horrela, mahai gainean dituenak Lehendakaritza batzordea egin baino lehenagoko eta osorik ez direnak ditu. Hala ere, konfiantzazko boto bat emango du eta, batzordean geratu zen moduan, baldintza-agiri osoak ematea espero du. Bestalde, esan behar du teknika mailan planteatu diren, zein teknikoak baino gehiago politikoak diren beste batzuek, EAJ lan-hitzarmena aplikatzeko eremua barne, onartzen dituztela, eta ondorioz, baldintza-agirien aldeko botua emango dute.

* Alazne Kortak (O.E. BILDU) esan du egia dela Rodriguez jaunak esaten duena, izan ere, azken momentuan aldaketa batzuk egin eta bozkatu zituzten, eta konpromisoa hartu zuen behin-betiko testua bidaltzeko, eta ez du egin. Hala ere, uste du, akordioa hartzeko proposamena, bertan hitz egin eta onarturiko terminoetan etorriko dela.

* Begoña Bueno idazkariak esan du espedientean jasota dagoela azken testu hori, ez dutela bidali, baina bertan dutela.

* Julen Mendoza alkateak esan du batzordetik pasa eta bozkatu ziren aldaketak aktan jasota daudela, eta beraz, bozkatuko dutena da batzordean planteatu eta onartu ziren aldaketa guztiak jasotzen dituen behin-betiko testua. Esan nahi du, egia dela ez dutela bertan testua, baina bai akta, eta horrek esango die zer onartu zuten eta zer ez. Eta nahasmenik gerta ez dadin, hori da bozkatuko dutena.

Mintzaldiak amaitutakoan.

Udalbatzak, aho batez,

E R A B A K I D U

1.- FOMENTO DE CONSTRUCCIONES Y CONTRATAS, S.A." enpresarekin kontratua **berritzea** "Errenteriako kaleak garbitu eta hiri hondakin solidoak jaso eta garraiatzeko zerbitzua" emateko 2013ko uztailaren letik beste kontratu bat esleitzen den arte, oraingo kontratuak ezarritako baldintzen arabera.

2.- Espedientea **abian jartzea** "Errenteriako kaleak garbitu eta hiri hondakin solidoak jaso eta garraiatzeko zerbitzua" kontratatzeko.

3.- Kontratua prozedura ireki bidez **egitea** (hainbat irizpide), eta tramitatu, berriz, ohiko eran.

4.- Kontratatu-espeditentea **onartzea**, lizitazioa arautuko duten baldintza-agiri ekonomiko-administratiboak eta teknikoak barne.

5.- Lizitazioa **deitzea**, eta horrela iragarriko da Gipuzkoako Lurralde Historikoaren Aldizkari Ofizialean, **BERROGEITA HAMAR (50) egun naturaleko** epea emanez proposamenak aurkezteko.

6. **Baimentzea** 2.650.000 €-ko gastua (BEZa barne), behin-behineko Udal Kontu-hartzaileak emandako txostenean ezarritakoaren arabera.

Eta aztertu beharreko gai gehiagorik ez zegoenez, Alkateak bilkura amaitutzat eman du egun bereko 16:15 zirela. Eta aztertutakoa eta erabakitakoa jasota gera dadin Akta hau egin dut Erkidego Autonomoko paper ofizialean, _____zenbakitik _____ra, eta nirekin batera Alkateak sinatu du. Egiaztatzen dut.